



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԵՆՏՐՈՆԱԿԱՆ ԲԱՆԿ

6, Vazgen Sargsyan str., 0010, Yerevan  
Tel.: (37410) 561 554  
Fax: (37410) 565 496

0010, Երևան, Վազգեն Սարգսյան 6  
Հեռ.՝ (37410) 561 554  
Ֆաքս (37410) 565 496

0010, Ереван, Вазгена Саркисяна, 6  
Тел.: (37410) 561 554  
Факс: (37410) 565 496

15.04.2019թ. N 15.2-08/000992-19  
05.04.2019թ. Ձեռք N 11/150/19

«ԱրՄոնիտոր» հանրային վերահսկողական միավորում ՀԿ-ի  
համահիմնադիր Ա. Ավետիսյանին

Հարգելի՛ պարոն Ավետիսյան

Տեղեկացնում ենք, որ Ձեր կողմից նշված հարցերի վերաբերյալ ՀՀ  
կենտրոնական բանկը մարտի 7-ին հանդես է եկել հայտարարությամբ (կից՝  
հայտարարության տեքստը):

Նշենք, որ ՀՀ կենտրոնական բանկի վերահսկողության ու կարգավորման  
ներքո գործող բոլոր բանկերն ու այլ ֆինանսական կազմակերպությունները  
պատշաճ կերպով իրականացնում են փողերի լվացման ռիսկերին համարժեք  
կանխարգելիչ միջոցառումներ:

Հարգանքով

Իրավաբանական վարչության պետ

Վազգեն Մնացականյան

**ՄԱՍՏՈՒԼԻ ՀԱՂՈՐԴԱԳՐՈՒԹՅՈՒՆ**

07.03.2019

**«Հ Կենտրոնական բանկի վերահսկողության և կարգավորման ներքո գործող բոլոր բանկերն ու այլ ֆինանսական կազմակերպությունները պատշաճ կերպով իրականացնում են փողերի լվացման ռիսկերին համարժեք կանխարգելիչ միջոցառումներ՝ պահպանելով ինչպես ՀՀ օրենսդրության պահանջները, այնպես էլ միջազգային պրակտիկայում ընդունված կանոնները:**

Նշված ոլորտում միջազգային ստանդարտներ սահմանող Ֆինանսական միջոցառումների հանձնախումբը (ՖԱԹՖ) կիրառում է դրանց իրագործման արդյունավետության գնահատման որոշակի չափանիշներ: Հայաստանը Եվրախորհրդի ՄԱՆԻՎԱԼ հանձնախմբի կողմից 2015 թվականին իրականացված գնահատման և 2018 թվականին ներկայացված առաջընթացի հաշվետվության արդյունքներով ՖԱԹՖ-ի մեթոդաբանության համապատասխան չափանիշով գնահատվել է որպես «արդյունավետության զգալի մակարդակ» ունեցող երկիր՝ ներկա պահի դրությամբ ընդգրկված լինելով նույն մեթոդաբանությամբ գնահատված շուրջ յոթ տասնյակ երկրների լավագույն հնգյակում: (Աղբյուրը՝ <http://www.fatf-gafi.org/media/fatf/documents/4th-Round-Ratings.pdf>)

«Ուկրին» բանկի գործունեության և դրա միջոցով 2000-ականներին իրականացված ֆինանսական գործարքների վերաբերյալ նշենք, որ ՀՀ կենտրոնական բանկի՝ փողերի լվացման դեմ պայքարի պատասխանատու ստորաբաժանումը ժամանակին ակտիվորեն գործակցել է իր օտարերկրյա գործընկերների հետ, այդ թվում՝ տեղեկատվության փոխանակման միջոցով, և ձեռնարկվել են տվյալ ժամանակաշրջանի օրենսդրությանը համապատասխան անհրաժեշտ կանխարգելիչ միջոցառումներ:

Նշենք նաև, որ «Ուկրին» բանկի գործունեությունը դադարեցվել է 2013 թվականին:

---

Հաղորդագրությունից օգտվելու դեպքում հղումը սկզբնաղբյուրին պարտադիր է:

ԿՔ հասարակայնության հետ կապերի ծառայություն

հեռ/ֆաքս. (010) 56 37 61

էլ-փոստ. [mcba@cba.am](mailto:mcba@cba.am)

[www.cba.am](http://www.cba.am)

հավելված 3